



Bréf frá óþekktum höfundi um húsleitir, án dagsetningar

Bjarni Benediktsson – Stjórnmal – Utanríkisráðherra – Dómsmálaráðherra – Þingvellir –
Keflavíkurlflugvöllur – Raufarhöfn

Tekið af vef Borgarskjalasafnsins

bjarnibenediktsson.is

Einkaskjalasafn nr. 360
Bréfa- og málasafn 1946-1953.
Askja 2-15, Örk 1

©Borgarskjalasafn Reykjavíkur

Vegna viðtals okkar á Þingvöllum á dögunum hefi eg nokkuð látið athuga þau atriði, sem þú minntist á við mig. Í ljós hefur komið, að hægt mundi vera að fá leitar- tæki hjá varnarliðsmönnum á Keflavíkurflug- velli, en þó að því áskyldu, að einn þeirra fylgdi með. Sé eg út af fyrir sig ekkert því til fyrirstöðu. En áður en slík leit er hafin verða menn að gera sér grein fyrir í stórum dráttum, hvar eigi að leita. Mjög mikilsvert er, ef þú, sem kunnugur maður, vildir láta uppi skoðun þína um það, hvernig leitinni skyldi háttað. Þá er og á það að líta, að ef leita á í húsum manna, hvort sem þau eru íbúðarhús, eða gripahús, þurfa einhver rök að hníga að grun á hendur þeim, sem fyrir slíku verður. Til leitarinnar mundi þurfa úrskurð, ef ágreiningur verður og þann úrskurð verður að vera hægt að rökstyðja með skynsamlegu móti. Þá kem eg að öðru atriðinu, athugun á fjárreiðum manns þess, er þú minntist á. Eg hefi rætt það mál við fulltrúa minn og sjáum við miklar torfarur á

slíkri rannsókn. Sérstaklega þar sem viðbúið er, að aðalviðskipti hans eigi sér einmitt stað við honum mjög nákomna menn, sem ólíklegt er, að vilji koma honum í bölvun. Við höfum þó í kyrrþey leitað ráða, manns kunnugs á Raufarhöfn, en ekki fengið enn svar. Ef þú hefur á takteinum tillögur um þetta væri þar mér mjög mikils virði. Auðvitað bendla ég þér ekki við þetta út í frá, en þú skilur eins og ég, að aðstaðan er býsna örðug og ekki hægt að hremma neinn sem grunn- aðan, ef engin fæst til að láta neitt uppi til stuðnings ógreinilegum orðróm eða hugboði. Eg vonast til þess að heyra frá þér um málið, áður en langt um líður og er reiðubúinn til að láta gera allt í málinu því til upplýsingar, sem eg tel með nokkru móti gerlegt. Með bestu kveðjum.

Þinn einlægur